

հիւսիսային մասը մտցուած է Քրանսական դոսու մէջ» :

Այս զիջումն անելով անգլիացիները նըպատակն էր դոհացում տալ ուսաների բաղձանքին, որ՝

Ա. Նետտորական շրջանը եւ Բիթլիսի կիրճը պահուի ուսաների ձեռքին :

Բ. Մտցուի ուսական հողամասի մէջ, որպէս լրացում, Հայաստանի նուազագոյն մէկ մասը, իրբեւ պահանջ էրդրումի ապահովութեան Ռուսաստանի ձեռքին, եւ ուրիշ աշխարհազրական պայմաններ. (157) :

Այս զիջումները արւում են որպէս հետեւանք այն բանակցութիւնների, որ անգլիական արտակարգ լիազօր Սըր Մարկ Սայքսը եւ Քրանսական ներկայացուցիչ Պիկօն նոյն օրերին վարում էին Պետերոգրատում ուս կառավարութեան հետ :

Մարտ 12-ին, Սըր Սայքսը տալիս է Սըր Բիւկենենին չափից աւելի հետաքրքրական եւ աշտմ արդէն պատմական դարձած մի տեղեկագիր, որ առաջ ենք բերում ամբողջովին. —

«Մտածելով նոր առաջադրութեան» մասին, այսինքն, որ Սըրվազը մտցուի Կապոյտ Գօտու մէջ՝ հանուող Հէքքեարիի փոխարէն՝ ես եկայ այն եզրակացութեան, որ հետեւեալ կէտերը կարող են լինել հետաքրքրական պ. Սաղոնովի համար .

«1) Ինձ թւում է, որ մենք պէտք է ընդունինք, որ, իրբեւ հետեւանք հայկական վերջին կոտորածների ծայրայեղ խտութեան ու անսրտութեան, անկարելի է թոյլ տալ բուն Հայաստանը օսմանեան իշխանութեան տակ պահելու հնարաւորութիւնը : Նման ծրագրերը, անզամ եթէ բարենորոգումներ էլ մտցուին, ցատում եւ պոսթիւում առաջ կը բերէ Անգլիայում եւ Միացեալ Նահանգներում եւ զէնք կուտայ հաշտութիւնից բոլոր դժգոհներին :

2) Ուստի հայկական հարցի լուծումը կարող է լինել

ա) Թիւրքական վեհապետութեան ներքոյ գտնուող հայկական պետութեան ստեղծումը,

*) Սաղոնովի առաջարկութիւնը՝ ուսաներին թողնուելիք շրջանների սահմանները փոփոխելու մասին :

որ կ'ենթադրէ կամ մի երկրորդ Բուլղարիայի ստեղծում, որ որոգայթներ պիտի լարէ կովկասում, կամ անկենսունակ ծրագրի՝ ի նկատի ունենալով, որ հայերը ընդունակ չեն մրցելու քիւրդերի հետ .

բ) Միջազգային հակաչորի տակ գտնուող չէզոք(?) *) վարիչներով հայկական կառավարութեան ստեղծումը, որ լայն ասպարէզ կը բանայ մշտական խարդաւանութիւնների ու «հարցերի», որից վաղ թէ ուշ օգուտ կը քաղէ Գերմանիան :

գ) Հայաստանի ճնախապատրաստուած ու ամբողջական յանձնումը Ռուսաստանին հետեւանք կ'ունենայ այն, որ ուսական քաղաքական գրութեան մէջ կը մտցուի մի երկիր, որ լեցուն է յեղափոխական ընկերութիւններով, որոնք մշտական յարարերութիւնների մէջ են Կովկասում եւ Պարսկաստանում՝ դոյութիւն ունեցող յեղափոխական կազմակերպութիւնների հետ : Մի հայ յեղափոխական (Գաշնակ) մի անգամ ասում էր ինձ, թէ այդ կը լինէր հրաշալի բան, թէ այն օրից, որ ամբողջ հայ ազգարնակութիւնը ընկնի ուսական տիրապետութեան տակ, յեղափոխական ընկերութիւնները Կովկասում, Ատրպատականում ու Թիւրքիայում անմիջապէս կ'ամբանան, եւ ընդհանուր անբաւականութիւնը հերիք կը լինէր նըրանց կենսունակութիւնը պահելու համար :

դ) Հարցի այնպիսի լուծում, որ նախկին հոռմէակտն կամ Փոքր Հայաստանն յանձնուի Պրանսային, իսկ սրան կցուած քարտէսի վըրայ գեղին գոյնով նկարուած գօտին**) գրաւէ Ռուսաստանը : Ես գտնում եմ որ այս ձեւը ամենից աւելի դոհացուցիչն է եւ վաղուց ի նկատի ունէի, բայց երբեք առաջ չեմ քաշել, որովհետեւ միշտ էլ այն կարծիքի եմ եղել, որ ուսական կառավարութիւնը ձգտում է գրաւել Սըրվազի շրջանը :

«Այս ծրագրի առաւելութիւնները հետեւեալն են .

1. Ռուսաստանը ստանում է էրդրումը, Բիթլիսը եւ Վանը՝ հայ ազգարնակութեան

*) Հարցական նշանը դրուած է բնագրում :

**) Տաւրոսից դէպի հիւսիս գտնուող շըրջանը :